



16. september 2013

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Eqqartuussissuserisut misissuinerat pillugu Naalakkersuisunut apeqqutit:

1. Julie Rademacheri aamma namminersorlutik oqartussani Inatsisinut atortitsinermut pisortap soraarsitaanera pillugu suliat soormita *arlaannaannulluunniit attuumassuteqanngitsumut* Naalakkersuisut misissortikkumasimangilaat?

2. Siunissami misissuisoqassatillugu eqqartuussissuserisunik arlaannaannulluunniit attuumassuteqanngitsunik Naalakkersuisut misissuititsisarnissaat pillugu siunnersuuteqartoqarpat Naalakkersuisut tapersersuisinnaanerlutik saqqummiussillutillu misissuinerup inerneranik tamanut imaluunniit Inatsisartunut uppersarniarlugu Naalakkersuisut suliaq eqqortumik suliarisimagaat?

(Inatsisartunut ilaasortaq Jens B. Frederiksen, Demokraatit)

Tunngavilersuut:

Nassuiaammi Naalakkersuisut eqqartuussissuserisuni Malling aamma Hansen Dammikkunni noqqaassutigisimasaanni oqaatigineqarpoq, misissuineq arlaannaannulluunniit attuumassuteqanngitsumit misissuinerat taaneqarsinnaanngitsaq.

Peqquserluuteqannginnissamut suliniaqatigiiffiup Transparency Greenland ulloq 15. August isornartorsiorpai Naalakkersuisut misissuineq eqqartuussissuserisunut aamma Namminersorlutik Oqartussat sulisoqarnermut aqutsiviani sulisunut tunngasunik suliaqartartunut imissutigisimammassuk. Transparency Greenlandip tikkuarppaa, eqqartuussissuserisut Malling aamma Hansen Damm arlaannaannulluunniit attuumassuteqanngitsut taaneqarsinnaanngitsut Namminersorlutik Oqartussanut qanippallaarmata.

AG –p ulloq 21. august Eqqartuussissuserisut Siunnersuisoqatigiivini malittarisassanut nakkutilliinermullu ataatsimiititaliami siulittaasoq issuarppaa oqartoq eqqartuussissuserisut misissuinerat suleqatit ilaannut imissutigineqarsimasut oqaatigisariaqartoq.

Naatsorsuutigisariaqarpoq arlaannaannulluunniit attuumassuteqanngitsut misissuinerat suleqatit misissuinerannut naleqqiullugu uppersarnarussasoq.

Sualummik Naalakkersuisut tamanut imaluunniit Inatsisartunut uppersarniarpassuk , Naalakkersuisut iliuuseqarsimasut inatsisit aqutsinermilu tunngaviit naapertorlugit, taamaattumik kissaatiginaqaaq, Naalakkersuisut eqqartuussissuserisumik arlaannaannulluunniit attuumassuteqanngitsumik, aamma Namminersorlutik Oqartussanit akissarsitinneqarneq ajortumik imaluunniit Naalakkersuisunik arlaannaatigulluunniit pinngitsuuisinnaanngitsumik misissuititsissasut.



DEMOKRAATIT
DEMOKRATERNE

Apeqquutit akeqquneqarput tiguseraniit ullut sulliviit nalinginnaasut qulit qaangiutsinnagit.